

Interview

- هل الحضانة مكان غرضه تنمية مهارات الطفل وذكائه ومكان يفرغ فيه طاقته ولا مكان يتعلم فيه مواد دراسية تهيئه للمدرسة بعد كده وبس ؟
ج: مكان يتعلم فيه وينمى مهاراته وذكائه ومكان يفرغ فيه طاقته.

- ايه اكثر حاجة ابنك بيضيع فيها وقت على النت؟
ج: الدخول على المواقع الاجتماعية للتفرج على الكرتون والافلام وللعب والتصوير.

- ايه اكثر المشاكل اللى بتواجه اولياء الامور فى الدروس اللى بيتعلموها الاطفال او فى طريقة توصلها؟؟
ج: ان اليوم اللى الولد مش بيحضر فيه الحضانة نظرا لظروف معينة الام(ولى الامر) مش بتكون قادرة انه توصله اللى اتاخذ فى اليوم ده.

- هل فيه دروس معينة بتكون دراستها محتاجة حد اكبر من سن الاطفال فى الحضانة فلازم اننا ناجل تدريسها؟؟
ج: ان دلوقتى الاطفال بتتعلم القراءة والكتابة فى سن صغير مش بطريقة تكون سهلة زى الصور او التنقيط والتوصيل بين النقط فيتعلموا شكل الحرف مثلا.

- ايه افضل وسيلة توصل بيها معلومات للطفل عن طريق (مسرحية-لعبة-تجربة عملية-قصة او حكاية...) ؟
ج: قصة و مسرحية.

-تحب شكل الموقع يكون ثابت ولا بيختلف حسب الطفل ولد ولا بنت؟
ج: بيختلف

- هل تفضل ان الطفل يتعلم لوحده يعنى يقدر يستخدم الموقع لوحده ولا تحت اشرافك؟
ج: تحت اشراف ولى الامر.

- وقتك يسمح اد ايه فى اليوم علشان تقعد مع ابنك على الموقع يتعلم حاجة جديدة لو مينفعش يقعد لوحده؟؟

ج: ساعتين.

- ايه الهوايات اللى ممكن تكون متاحة علشان الطفل يتعلمها (رسم-قراءة-طبخ....)

ج: القراءة والرسم

- ايه الحاجات اللى الاطفال محتاجنها ومش متوفرة فى الحضانة؟

ج: تعلم التكنولوجيا الحديثة بطريقة اكثر زى استخدام الكمبيوتر بطريقة اكثر فى الحضانة.

- هل توفر للاطفال فيديوهات تعلمهم ازاي يكونوا قادرين على تصنيع ادوات او اشياء معينة بسيطة زى بلاد (اليابان وكوريا والصين...)?

ج: نعم توفرها.

- ايه انواع الكتب اللى ممكن توفرها للاطفال يقرأوها غير القصص الكرتونية علشان تجعلهم مقبلين على القراءة؟؟

ج: كتب علوم زى الاحياء المائية والبحار وكتب عن الزراعة والحيوانات وكتب تكنولوجيا.

- هل نزود من عدد اللغات اللى الاطفال بتعلموها علشان يكتسبوا لغات اكثر من ضغرم؟؟

ج: نعم نزود لان الطفل بيتعلم اكثر ويبخزن معلومات اكثر وهو صغير.

- ايه البرامج اللى الطفل بيحب يتفرج عليها كثير؟؟

ج: برامج اطفال.

- هل نخلي الاطفال تقدر تتواصل مع بعض عن طريق الموقع علشان نقدر نحد من الانطوائية اللى اطفال كثير بتتعرضلها من ضغرها؟؟

ج: ربما.

- ايه الحاجات اللى شايفها الاطفال بتتعلمها فى البلاد الاوربية والاجنية وهتكون مفيدة بالنسبة للاطفال؟؟

ج: تنمية المهارات للاطفال زى انهم يتعلموا التكنولوجيا بطريقة اكثر والابداع والاختراع.

- هل تفضل ان يكون متاح مسابقات بين الاطفال ؟
ج: نعم لتنمية الذكاء والتشجيع.

-تحب يكون في مستويات من المحتوى الدراسى ولا الطفل يختار الموضوع اللي حابب يتعلمه و عنده شغف بيه ؟
ج: يكون فيه مستويات من المحتوى الدراسى.

- اى اقتراحات ممكن نستخدمها فى تنفيذ الموقع !!
ج: نزود عدد المسابقات بين الاطفال واقتراح(لاولياء الامور) اماكن انتاج وتصنيع كزيارة للاطفال لتنمية مهاراتهم والتعرف على مراحل الانتاج وتكوين منتج (مصنع شكولاتة-مصنع بسكويت....)